

**Uunga siunnersuut: Sanaartorfissagissaaneq, pisortat kuuffeqarfinnut aqqusersuutaat
amma pisortat aqqusiniutaat pillugit Inatsisartut inatsisissaattut siunnersuut nr. xx,
dd.mm.2010-imeersoq**

(Ineqarnermut, Attaveqarnermut Angallannermullu Naalakkersuisumit saqqummiunneqartoq)

pillugu

Attaveqarnermut Ineqarnermullu Ataatsimiititaliap

ISUMALIUTISSISSLUTAA

Siunnersuutip aappassaaneerneqarnerani saqqummiunneqartoq

Ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq Justus Hansen, formand, Demokraatit
Inatsisartunut ilaasortaq Aqqaluaq B. Egede, Inuit Ataqatigiit
Inatsisartunut ilaasortaq Kaali Olsen, Inuit Ataqatigiit
Inatsisartunut ilaasortaq Anders Olsen, Siumut
Inatsisartunut ilaasortaq Malik Berthelsen, Siumut

Ataatsimiititaliap siunnersuut UKA 2010-mi ulloq 23. september 2010-mi siullermeerneqareermat misissorpa.

Siunnersuutip imaa siunertaalu:

Sanaartorfigissaanermut tunngasut malittarisassiunnissaat siunnersummi siunertarineqarpoq, isumaqatigiissut 1998-imeersoq (sanaartorfigissaanermut isumaqatigiissut) malillugu taakku massakkut taamaallaat iluarsiivigineqartarmata. Taamaallilluni tamanna immikkut inatsisiliunneqarnissaanik kommunit kissaataat siunnersuutikkut tapserneqarpoq.

Siusinnerusukkut Namminersornerullutik Oqartussat aamma Kommunit Kattuffiata (kanukokap) akornanni 1997-imut aningaasanut inatsimmut tunngatillugu nalaagaaffiup tapiissutai pillugit isumaqatiginninniarerit nalaani sanaartorfigissaneq pillugu suliassat nammatassallu agguataarnissaat pillugu nutaamik isumaqatigiissuteqarnikkut isumaqatigiissutigineqarpoq.

Siunnersuut aqqutigalugu pisortat kuuffeqarfinnut aqqusersuutaat aamma pisortat aqqusiniutaat pillugit suliassat nammatassallu agguataarneqarnerat matumuuna inatsisiliuunneqarput. Namminersorlutik Oqartussat pisortatut oqartussaapput najukkanilu oqartussaaneq kommunalbestyrelsit suliarisarpaat.

Sanaartorfigissaanermut akiliutip naatsorsornissaa inatsisisstatut siunnersummi § 12, imm. 2 tunngavigalugu aalajangersarneqarsimasoq aamma agguataarinermut najoqqutassaq kommunit pilersaarusrioneranni imaluunniit akiliut tamanut atuttooq ikorsiullugu naatsorsorneqarsinnaasoq ataatsimiititaliap maluginiarpaan.

Inatsisartut inatsisaata siullermeerlugu oqaluuserineqarnera

Siunnersuutip siullermeerlugu oqaluuserineqarnerani siunnersuut Inatsisartuni partiinit tamanit annertuumik tapersorsorneqarpoq. Pisortat kuuffeqarfinnut aqqusersuutaat aamma pisortat aqqusiniutaat pillugit oqartussatut inissisimanerit siullermeersumik erseqqissumik nassuarneqarnerat partiit tamarmik naammagisimaarnerarpaat.

Sanaartorfigissaanermulli kommunit akileeqquneqarsinnaanerat piissusissamisoornersoq isumaliutigineqartariaqartoq Atassut isumaqarpoq, aningaasatigummi nammatassat annertuallaalerpata innuttaasut pilersaarutiminnik naggataatigut piviusunngortitsinngitsoorsinnaammata.

Siunnersuutip aningaasaqarnikkut allaffissornikkullu kingunissai:

Akileeqqusinissamut malittarisassat inatsisisstatut siunnersummi aalajangersarneqareermata sanaartorfigissaanermut akiliutinik akileeqqusisarneq siunnersuutikkut oqilisaaffigineqarnissaa naatsorsuutigineqartoq ataatsimiititaliap maluginiarpaan.

Aammattaaq inatsisisstatut siunnersuutip aningaasaqarnikkut kinguneqarnissaa naatsorsuutigineqanngitsoq ataatsimiititaliap maluginiarpaan, sanaartorfigissaaneq pillugu isumaqatigiisummi atuuttumi allaffissornikut periaatsit siunnersummi ingerlateqqiinnarneqarmata.

Attaveqarnermut Ineqarnermullu Ataatsimiititaliap inassuteqaatai

Ataatsimiititaliap isumaqatigiittup inatsisisstatut siunnersuut akuersissutigineqassasoq **inassutigaa.**

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassangortippaa.

Justus Hansen, Siulittaasoq

Aqqaluaq B. Egede

Anders Olsen

Kaali Olsen

Malik Berthelsen